

ლანჩხუთის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიის

სხდომის ოქმი N6

ქ. ლანჩხუთი

20.11.2018 წ

სხდომას ესწრებოდნენ: საკრებულოს სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარე გიორგი გვარჯალაძე.

კომისიის წევრები: კახა ბოლქვაძე, ოთარ პატიეშვილი, კახა თედორაძე, ცისანა ურუშაძე, იოსებ ჩხაიძე, ირაკლი მარშანიშვილი, ამირან ქანთარია, სპარტაკ კვაჭაძე, ზაზა წულაძე, ელისო ჭიჭინაძე.

სხდომას არ ესწრებოდნენ კომისიის წევრები: ლელა ჩახვაძე, რეზო კვაჭაძე, აკაკი იმნაიშვილი, ბესიკ კუპრაძე, ემზარ თევდორაძე.

მოწვეული სტუმარები: ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსი როლანდ ლაშხია.

მერიის სოციალური და ჯანდაცვის სამსახურის უფროსი თამარ ფირცხალაიშვილი.

კომისიის თავმჯდომარემ, გიორგი გვარჯალაძემ, სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის 2019 წლის პრიორიტეტების დოკუმენტის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: რ. ლაშხია/

2. „ლანჩხუთის მუნიციპალიტეტის 2019 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.

/მომხსენებელი: რ. ლაშხია/

3. სხვადასხვა.

კომისიის თავმჯდომარემ, გიორგი გვარჯალაძემ კენჭი უყარა დღის წესრიგის პროექტს: მომხრე 11; წინააღმდეგი არცერთი.

დღის წესრიგის პირველ საკითხზე: „ლანჩხუთის მუნიციპალიტეტის 2019 წლის პრიორიტეტების დოკუმენტის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის საფინანსო-საბიუჯეტო და მუნიციპალური სამსახურის უფროსმა, როლანდ ლაშხიამ. აღნიშნა, რომ 2019 -2022 წწ-ში მუნიციპალიტეტის სტრატეგია თითქმის უცვლელია და მოიცავს ადგილობრივი ინფრასტრუქტურის განვითარებას, მოსახლეობის სოციალური პირობების გაუმჯობესებას,

საზოგადოებრივი უსაფრთხოების უზრუნველყოფას, ჯანსაღი ცხოვრების წესის დანერგვას და სკოლამდელი განათლების ხელშეწყობას.

ლანჩხუთის მუნიციპალიტეტის ძირითადი პრიორიტეტებია:

1. ინფრასტრუქტურის მშენებლობა, რეაბილიტაცია და ექსპლოატაცია;
2. განათლება;
3. კულტურა, რელიგია ახალგაზრდობის ხელშეწყობა და სპორტი;
4. მოსახლეობის ჯანმრთელობის დაცვა და სოციალური უზრუნველყოფა.

აქვე აღნიშნა, რომ სამწუხაროდ დაზუსტებული არ არის 2019 წელს განსახორციელებელი ინფრასტრუქტურული ობიექტების ჩამონათვალი ამიტომ ამ მხრივ პრიორიტეტების დოკუმენტში მხოლოდ ზოგადაა წარმოდგენილი. ინფრასტრუქტურული ობიექტების ჩამონათვალის დაზუსტება ჩემი ინფორმაციით მოხდება მიმდინარე თვის ბოლომდე.

კომისიის თავმჯდომარემ გიორგი გვარჯალაძემ აღნიშნა, რომ სასურველია ლანჩხუთის მუნიციპალიტეტის პრიორიტეტების პროგრამაში მომდევნო წლებისთვის გამოიყოს თანხა სამშენებლო ტექნიკის შესაძენად, როგორცაა: გრეიდერი, ამწე კრანი. და ექსკავატორი.

კომისიამ მიიღო გადაწყვეტილება: „ლანჩხუთის მუნიციპალიტეტის 2019 წლის პრიორიტეტების დოკუმენტის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი კომისიის წევრების მიერ მიღებულ იქნა შენიშვნების გარეშე.

კომისიის თავმჯდომარემ, გიორგი გვარჯალაძემ კენჭი უყარა განკარგულების პროექტს; მომხრე:11 წინააღმდეგი: არცერთი.

დღის წესრიგის მეორე საკითხზე: „ლანჩხუთის მუნიციპალიტეტის 2019 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო მერიის საფინანსო-საბიუჯეტო და მუნიციპალური სამსახურის უფროსმა, როლანდ ლაშხიამ. მან აღნიშნა, რომ მუნიციპალიტეტის 2019 წლის ბიუჯეტის პროექტის ფორმირებისას გათვალისწინებულ იქნა მიმდინარე წლის შემოსავლების მობილიზაციის საკითხი და წინა ორი წლის ფაქტობრივი მდგომარეობა. ბიუჯეტის შემოსულობები განისაზღვრა 9 404 800 ლარით. ამათგან გადასახადები შეადგენს 8 280 800 ლარს, გრანტები 220 000 ლარს, ხოლო სხვა შემოსავლები შეადგენს 904 000 ლარს, წინა წლებისაგან განსხვავებით 2019 წლის ადგილობრივ ბიუჯეტის შემოსავლებში არ აისახება საშემოსავლო გადასახადი, რომელიც მთლიანად მიიმართება ცენტრალურ ბიუჯეტში. ასევე გაუქმდა გათანაბრებითი ტრანსფერი და მის ნაცვლად ადგილობრივ ბიუჯეტებში მიიმართება დამატებითი ღირებულების გადასახადი, რომელიც შეადგენს 6 980 800 ლარს აღნიშნული ცვლილებები მიღებულია ქვეყნის პარლამენტის მიერ. ქონების გადასახადი რომელიც ასე პროცენტით შევა ადგილობრივ ბიუჯეტში, შეადგენს 1 300 000 ლარს. 220 000 ლარი წარმოადგენს მიზნობრივ ტრანსფერს დელეგირებული უფლებამოსილების განსახორციელებლად. სხვა შემოსავლები შეადგენს 904 000 ლარს. მათგან 700 000 ლარი შეადგენს შემოსავლებს ჯარიმებიდან, სანქციებიდან და საურავებიდან. როგორც აღნიშნე პირველი საკითხის განხილვისას ამ ეტაპისთვის ახალი ინფრასტრუქტურული ობიექტების დადგენილი არ არის, მათი დადგენის შემდეგ ადგილობრივ ბიუჯეტში ასახული იქნება კაპიტალური ტრანსფერი ინფრასტრუქტურული პროექტების განსახორციელებლად. ბუნებრივია როცა ასე შეზღუდულები ვართ შემოსავლების მხრივ, შეზღუდულები ვართ ხარჯების მხრივ. თუმცა ბიუჯეტის პროექტით გათვალისწინებულია ა.(ა).ი.პ.-ების დაფინანსების შენარჩუნება ძირითადად 2018 წლის დონეზე, მცირე მატების ფონზე, რომლის თაობაზეც ინფორმირებულია საკრებულოს წევრები.

კომისიის თავმჯდომარემ გიორგი გვარჯალაძემ მოუწოდა კომისიის წევრებს გამოთქვან და დააფიქსირონ თავიანთი მოსაზრებები და შენიშვნები 2019 წლის ბიუჯეტის პროექტთან დაკავშირებით.

საკრებულოს წევრმა ამირან ქანთარია ალნიშნა, რომ აუცილებელია გაიზარდოს ა.(ა).ი.პ. „კეთილმოწყობისა და მომსახურების ცენტრი“-ს დაფინანსება შესაძლებლობის ფარგლებში.

საკრებულოს წევრმა ელისო ჭიჭინაძე გამოთქვა აზრი, რომ საბავშვო ბაღებში აღსაზრდელთა ტრანსპორტის თანადაფინანსებისთვის გამოიყოს თანხები. ასევე მან აღნიშნა, რომ ა.(ა).ი.პ.სკოლამდელი აღზრდის პედაგოგებსა და აღმზრდელებს გაეზარდოს ხელფასები.

კომისიამ მიიღო გადაწყვეტილება: „ლანჩუთის მუნიციპალიტეტის 2019 წლის ბიუჯეტის დამტკიცების შესახებ“ ლანჩუთის მუნიციპალიტეტის საკრებულოს დადგენილების პროექტი კომისიის წევრების მიერ მიღებულ იქნა შენიშვნების გარეშე.

კომისიის თავმჯდომარემ, გიორგი გვარჯალაძემ კენჭი უყარა დადგენილების პროექტს; მომხრე:11 წინააღმდეგი: არცერთი.

3. სხვადასხვა.

კომისიის თავმჯდომარე გიორგი გვარჯალაძემ კომისიას გააცნო ლანჩუთის სოფ. მაჩხვარეთში მცხოვრებ მოქალაქე ქეთევან წილოსანის 16 ნოემბრის N420 განცხადება, რომელიც შეეხება სტიქიით მისი სახლის სახურავის დაზიანების ფაქტს. აღნიშნული განცხადება გადაეგზავნა ლანჩუთის მუნიციპალიტეტის მერიის შესაბამის სამსახურს.

საკრებულოს წევრმა ცისანა ურუშაძემ აღნიშნა, რომ აუცილებელია გვიმბალაურის ადმინისტრაციულ ერთეულში, ყოფილ საჯარო სკოლის შენობის სახურავის შეკეთება და მასში განთავსდეს სოციალური სახლი. ასევე მან აღნიშნა, რომ ბეზინგასამართი სადგურის „სოკარის“ მიმდებარე ტერიტორიაზე მოხდეს არსებული სკვერის რეკონსტრუქცია. ასევე აღნიშნა, რომ გვიმბალაურის, მეგობრობის და თაყაიშვილის ქუჩებზე აუცილებელია სანიაღვრე არხების გაკეთება.

საკრებულოს წევრმა სპარტაკ კვაჭაძის თქმით, თბილისის და თავისუფლების ქუჩებზე ცხაური არის მოსაწესრიგებელი.

საკრებულოს წევრის იოსებ ჩხაიძის განცხადებით, იგი ლანჩუთის მუნიციპალიტეტის მერიას ფრაქციის სახით თხოვს დოკუმენტაციას კონკრეტულ საკითხებთან დაკავშირებით. მერიის შესაბამისი სამსახურები კი უპასუხოდ ტოვებენ ფრაქციის წერილებს.

ამით კომისიამ მუშაობა დაასრულა.

საკრებულოს სივრცით-ტერიტორიული

დაგეგმარებისა და ინფრასტრუქტურის

კომისიის თავმჯდომარე:

გიორგი გვარჯალაძე

გიორგი გვარჯალაძე

**ლანჩხუთის მუნიციპალიტეტის საკრებულოს
სივრცით-ტერიტორიული დაგეგმარებისა და ინფრასტრუქტურის
კომისია**

2800 ლანჩხუთი, კოსტავას 37 0 494 22 30 19

ლანჩხუთის მუნიციპალიტეტის საკრებულოს სივრცით-ტერიტორიული დაგეგმარებისა
და ინფრასტრუქტურის კომისიის

სხდომის დასკვნა N6

ქ.ლანჩხუთი

20.11.2018წ.

2018 წლის 20 ნოემბერს მოწვეული იქნა ლანჩხუთის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიის სხდომა.

სხდომამ განიხილა დღის წესრიგით გათვალისწინებული საკითხები:

1. „ლანჩხუთის მუნიციპალიტეტის 2019 წლის პრიორიტეტების დოკუმენტის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

2. „ლანჩხუთის მუნიციპალიტეტის 2019 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.

3.სხვადასხვა.


დღის წესრიგის პირველ საკითხზე კომისიის წევრების მიერ შენიშვნები არ გამოთქმული სხდომამ მიიღო გადაწყვეტილება „ლანჩხუთის მუნიციპალიტეტის 2019 წლის პრიორიტეტების დოკუმენტის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი წარმოდგენილი სახით გადაეცეს საკრებულოს სხდომას განსახილველად.

დღის წესრიგის მეორე საკითხზე კომისიის წევრების მიერ გამოთქმული შენიშვნების გათვალისწინებით სხდომამ მიიღო გადაწყვეტილება „ლანჩუთის მუნიციპალიტეტის 2019 წლის ბიუჯეტის დამტკიცების შესახებ“ ლანჩუთის მუნიციპალიტეტის დადგენილების პროექტი წარმოდგენილი სახით გადაეცეს საკრებულოს სხდომას განსახილველად.

სივრცით-ტერიტორიული

დაგეგმარებისა და ინფრასტრუქტურის

კომისიის თავმჯდომარე:











გიორგი გვარჯალაძე

ლანჩხუთის მუნიციპალიტეტის საკრებულოს სივრცით - ტერიტორიული
დაგეგმარებისა და ინფრასტრუქტურის კომისიის სარეგისტრაციო ფურცელი.

სარეგისტრაციო ფურცელი

20.11.2018 წ.

	სახელი, გვარი	ხელმოწერა
1.	გიორგი გვარჯალაძე	
2.	ცისანა ურუშაძე	
3.	კახა ბოლქვაძე	
4.	ბესიკ კუპრაძე	
5.	ოთარ პატიეშვილი	
6.	სპარტაკ კვაჭაძე	
7.	ლელა ჩახვაძე	
8.	ზაზა წულაძე	
9.	რეზო კვაჭაძე	
10.	კახა თედორაძე	
11.	იოსებ ჩხაიძე	
12.	ამირან ქანთარია	
13.	აკაკი იმნაიშვილი	
14.	ელისო ჭიჭინაძე	
15.	ირაკლი მარშანიშვილი	
16.	ემზარ თევდორაძე	